

مارکسی نقطہ نظر تے ساداً ادب

محمد اسلم رسول پوری



میں سمجھداں مارکسیت انسانی سالویشن دافنڈر اے تے مارکی ادب انسان کوں اوندیں مادی حالتیں داشھور
ڈیندے آلتھیو سے تے مارکیزے دے مطالعے دے بعد آکھ سکداں ریاست سماج تے اپے کثر دل کوں مضبوط کرن
کیتے ادب کوں دی اداراتی (Institutionalize) کرن دے حرہ بے خیاک یہیدی اے اتے انعام دا کام جاری کر کے
نام نہاد تو می آئینڈیا لوچی دے تبلیغی اوسین دی جماعت تیار کر یہیدی اے چرھے کھنچیں اپنے گارڈ لکھاری سڈ یہیدن تے
کھنچیں "کافی تحریک" دے سریت پند شاعرین تے پھر دن۔ حقیقت واقع اے لوک، ادب دے ذریعے سماجی تے
شعوری ارتقا کوں روکن تے Status Quo کوں زندہ رکھن والے آل کار، ہن۔

اویسین کان جدو جهد صرف رت پیلے جھنڈے چاون داناں نھیں۔ ریاست توں انعامات قبول نہ کرن یا ول
سرداکم دیش طواں فنا نہ خطاب روکمن دی ادب کوں اداراتی بناوں (تے ریاستی کثر دل) دے خلاف ادیب دی مراحتت ہو
سکدی اے۔ توک آرٹس تے لوک ادب تے کم دی این جدو جهد دا حصہ اے۔ کیوں جو لوک ادب
Institutionalized ہرگز کوئین۔ میڈیا نظریہ رہ گئے تخلیقی شاعری جتنا لوک شاعری دے نیڑے ھیسی اتنا وندے وچ
سوہنپ تے ندرت اوی تے ساڑا سرایا سیکل توی تخفیض دی شاعری تھی۔ ایندے ڈیش نظریں میں خوبی فریدے بعد اشوالاں کوں
مرا سیکل داعظیم شاعر اہداں تو نے جوان داروایتی ترقی پسند فکرناں کی گاڑھا نھیں بندا۔
مارکسیت ہمیشہاں ہیومن سولی ڈیبریٹی تے میڈیا یعنی پختہ کرائے تے میں ایندے اثر تے میں ایگلی توک آرٹس
(ساڑی موسیقی، ساڑی جھروغیرہ) بارے لکھن شروع کیجا۔ صدیں توں انسانی معاشرے وچ نسل پرستی، دین، دھرم، تے
علاقائیت وغیرہ انسانیں وچ تفریق و تجزیہ کو ابھاریے۔ جذاں جو کھنہیں توک آرٹس انسانی تھیجتی دے شعور کوں قائم دادا
رکھیے۔

میڈے اجو کے تقیدی خیالات میڈے اتدر کڑ مارکی خادوی موت دے بعد یہیدا تھیں۔ میڈی کھنکوں سمجھن
والے دانشور میڈے اتے مارکسیت نال Betrayal دا لام لس۔ پر میکوں بدلا دیں دلخیں نال ڈوقدم اگونہن رکھن
تے مان اے۔

محمد اسلم روپوری

مارکسی نقطہ نظر تے ساڑا ادب

محمد اسلم رسول پوری

سرائیکی پبلی کیشنر رسول پور

Marxist Standpoint and Our Literature

by

M. Aslam Razoolpuri

سادے حق را کھوئیں ہن

تال کتاب: مارکی نظریہ نظریے سائی ادب

لکھاری: محمد احمد رسول پوری

کپڑوگ: حسیب الرحمن

ہٹیل: کارل مارکس دی تھوڑی

محمیدور: سراجیکی چلی کیشنا رسول پور

چھاپ خات: حاجی صنف ایڈنسنر ٹکٹ پر لس الہور

پہلا چھاپ (آردو): 1974

پوچھا چھاپ (سرائیکی): 2014

مل: چاندی روپے

مکالمہ

منہجی گالری

تعارف

۱

ادب دی تحریف

۸ ادب دے بارے مارکسی نقطۂ نظر

۹ ادب دی اہمیت

۱۰ دیگر نظریات تے مارکسیت

۱۱ غیر جانبداری دا ئٹ

۱۲ فرائید و انظریہ جنس

۱۳ تحقیق ادب دیاں شرطیں

II

- ۱۳ پرانا ادب
 ۱۴ ترقی پسند ادب
 ۱۵ فرائیدی ادب
 ۱۶ جدید شاعری

III

- ۱۸ ڈیرہ غازیخان نے اردو ادب
 ۱۹ ترقی پسند شاعری
 ۲۰ جدید شاعری
 ۲۱ سرائیکی ادب
 ۲۲ شاعری
 ۲۳ چند مشورے

میکسٹم گور کی دی ہباؤل

"حاء"

دے ناویں

منڈھلی گالھ

(ڈوچھی اشاعت)

ایں کتابچے دے ذریعے سراینگی ویب دے اردو تے سراینگی لکھاریں کوں مارکسی تقدید نظریے نال متعارف کروایا گیا ہا۔ ایندی تاریخی اہمیت پاروں ایکوں کہیں روبدل دے بغیر سراینگی زبان وچ شائع کیا ویدا پئے۔ ایکوں سراینگی ادب وچ ترقہ پندریت دائمی فیشنو آکھیاون خپکدے۔ تاہم میڈیٰ تقدیدی فکر ارتقا دے کئی مراحل طے کوگئی اے۔

محمد اسلم رسولپوری

21 جنوری 2014ء

تعارف

میکوں کتابچے "مارکسی نقطہ نظر تے ساڑا ادب" دے بارے وچ ایہہ عرض کرٹن ضروری لگدے جو ایہہ اپنے موضوع تے کپ سرسری تے مختصر مطالعہ اے۔ فرصت دی کی تے ڈوچھے ذرا کئی دی کی نہ ہوندی تاں یقیناً ایہہ ہک خیتم کتاب ہو دے ہا۔

میں اتحاد اپنے ٹھہریان شگنگی پروفیسر سیلماں بدر (گورنمنٹ کالج ذریہ نازیخان) دا تھوریت ہاں کوئنچو انہیں میکوں ایں موضوع تے لکھن ڈی امک ڈی۔ جے اویہہ امک نہ ڈیندے تاں شیفت ایہہ مقالہ کٹھا اہیں نہ لکھیا ویدا۔

ایندے نال رکیس عدیم تے کاؤش عباسی داوی ممنون ہاں جنہیں فکری تے علمی طور تے ایں مقالے دے سلکھرپ وچ ہتھ بھڑائے۔

محمد اسلم رسولپوری (ام۔ اے)

27 اکتوبر 1974ء

فلسفیں صرف اچ تیس دنیا دیاں حق و مصالاں بخشد کھینچن؛ اصل کم ایکوں بدلت دا ہے۔
کارل مارکس

ادب دی تعریف: ایں توں پہلے جو میں ادب دے بارے مارکسی نقطہ نظر ڈساواں
میکوں ادب دی تعریف کر گھنٹی چاہیدی اے۔ "ادب انسان دیں انہیں جذبات تے
خیالات دا منظوم یا خوبصورت نشی اظہار داتاں اے جیر ہے انسانی زندگی دے
حالات اتے اسباب دا نتیجہ ہوندن۔" ایں نقطہ نظر نال ہک طبقاتی سماج وچ ادب
وی طبقاتی ہوندے کیونجو اونہ صرف اپنے تخلیق کار رعنی ادیب دی بلکہ اوندے طبقے دی رو
سوچ تے فکر دی وی نمائندگی کریندے۔ ایں سائلے مارکسیت دے نظریے دی رو
نال جبڑاں انسان ظالم تے مظلوم طبقیں وچ ونڈتھ گئے تاں ادیب دی ڈوھیں وچ
ونڈتھ گیا۔

ادب دے بارے مارکسی نقطہ نظر: ادب دا ہک حصہ ظالم طبقے دے مفادات، خواہشیں
تے خیالیں دی نمائندگی کر لکھیا تے ڈوجھا حصہ مظلوم طبقے دے مفادات، خواہشیں
تے خیالیں دی عکاسی کھرا کریندابا۔ ایہا وجہ اے جبڑاں وی انہاں ڈو طبقیں دے وچ
کئی جنگ تھی تاں مختلف طبقیں دے شاعریں تے اویسیں اپنی اپنی تخلیقات دے
ذریعے اپنے اپنے طبقے کیتے کم کیجا۔ ایں طرافقاً اسی جیر حا ادب مظلوم طبقے کوں اپنے

حقوقِ گھنٹ کیتے تیار کریں داریہا اور ترقی پسند ادب آکھیا گیا تو نے جو ایندیاں شکلاں اچھو کے ترقی پسند ادب کنوں مختلف ہن۔ کیونجواں دیدے وچ پڑھری قسم دی طبقاتی سوچ کو بیناں ہئی۔ لیکن ایندے باوجود وی لینن اسچھے ادب کوں زندہ رکھن ڈی جمایت کیتی۔ ات واسطے اچھ سویت یونین وچ قدیم ادیب تے شاعر مثلاً لیوٹا شائی، فیودور دوستویفسکی، پلکن، چیخوف تے گول وغیرہ دیں لکھتیں کوں وڈے نمایاں اندازانال شائع کیتا ویندے۔ انہیں وچ حقیقت پسندی تے بعض جمیں تے انقلابیت دا گھڑھا پر چھانوال ملدے۔

بہر حال مارکیست دے نیڑے ادب دی نوعیت واضح طور تے طبقاتی ہوندی اے۔ ایں سانگے اوں اپنے معاشری نظریات دے نال نال ایں گلھ داوی اعلان کیتا جو انکوں ادب دے صرف اوں حصے نال دلچسپی اے جیرھا پرولتاریہ دے مفادات، خواہشیں تے جذباتیں دا آئینہ دارے تے انہیں کوں انہماں دی وڈائی تے فتح دا یقین ڈیویا تے اپنے حقوق تے سوچل مستقبل جتنیں دی امک ڈیندے۔ مارکیست اسچھے ادب کوں زندگی آموز ادب اہدی اے۔ اوندے نیڑے ایہوا ادب اے جیرھا انسان دے اندر جیونٹ دا حوصلہ پیدا کریں دے۔

ادب دی اہمیت: جے تینیں ادب دی اہمیت دا تعلق اے مارکیست دے نیڑے اوندی اہمیت اٹل اے۔ لینن ادب کوں "مشین دے پرے" نال تشبیہ ڈیتی اے۔ جیوں کہیں مشین دے پیچ کڈھ ڈیوتاں او بے کار تھی تے رہ ویندی اے اینوں اگر کہیں سماج کنوں اوندے ادب کوں کڈھ ڈیتا و نہیں تاں او وی ہک گوںگے، جامد تے کھڑل جمیں سماج دچ بدل تے رہ ویندے۔

یعنی دی حیاتی دے حالات کنوں لگدے اداپنی حیاتی دے شدید بحرانی چہاڑیں وچ
وی ادب دی اہمیت واقعیل ہا اتے اوایں کنوں سکون تے تازگی گھنند اہا جیکوں ولیم
جیرزی Moral Holiday اب دے تے چیندے نال ساڑے وچ عملی زندگی دی نویں
تاب آندی اے۔

ایں طرح اس کارل مارکس دی ادب کوں باقاعدہ پڑھدا ہا۔ اوندے پسندیدہ ادبیں تے
شاعریں وچ ہومر، ورجل، شیکپیر، دانتے، گوئے تے شیلے شاہل ہن۔

بہر حال مارکسیت ادب دی اہمیت دی زبردست قائل اے تے اوایندے نال سماج
وچ انقلابی تبدیلیاں کرٹ چاہندی اے تے انجھے ادب دی پر جوش حمایت دی
کریںدی اے جیسا اشتراکی سماج کیتے پرولتاریہ طبقے کوں تیار کرتے اوندی
جدوجہد وچ اوندے نال تھیوے۔

دیگر نظریات تے مارکسیت: ایں زندگی آموز ادب دے نظریے دے علاوہ، جیکوں
عام طور تے ترقی پسند (Socialist Realism) ادب یا ادب برائے زندگی
آکھیا ویدے، مارکسیت ادب دے ڈو ٹھنچے تامن نظریات کوں روکریںدی اے۔ خاص
طور تے ادب برائے ادب دے نظریے کوں۔ کیونکوں این نظریے تے یقین رکھن آئے
ادیب نہ صرف سرمایہ دارانہ نظام دی بیقادی حمایت کریںد ان بلکہ ہمیشان استھمال کرٹ
آلے طبقے دا ساتھ پیسندن۔ کارل مارکس دے سوانح نگار فرانز ماہر گکھدے جو
کارل مارکس ادب برائے زندگی دے نظریے کوں خطرناک شئے سمجھدا ہا۔

غیر جانبداری دا ڈیٹ: ادب برائے ادب دے حامی اپنے غلیظ نظریات کوں لکاؤٹ
کیتے عموماً غیر جانبداری دا ڈھونگ رچیند ان۔ حالانکہ اے کب انجھی شئے ہے چیندے

اُتے عمل ممکن کوئی جیساں سماج ڈھصیں وچ منقسم اے تاں لازمی طور تے ہر بندے
دی ہمدردی کہیں نہ کہیں طبقے نال ہوندی اے او خود دی انہیں طبقیں وچوں کہیں بک
دے نال معاشری تے سماجی طور تے وابستہ ہوندے۔ ایں سائگے غیر جانبداری دا
مطلوب بقول ماڈزے ٹنگ ”چ تے کوڑ دے وچ تریجھی کئی صورت کوئی ہوندی۔
اگر ہو دے دی تاں او سمجھوتے دی ہوندی اے۔ جیر گھی ہمیشان بالادست تے خالی
طبقے دی باخی ہوندی اے۔“

فرائید دانظریہ جنس: ایندے علاوہ بک بیا دی نظریہ اے جیکوں فرائید دانظریہ جنس
آکھیا ویندے۔ بعض اویب تے شاعر ایں نظریے تے جان ڈیندیں۔ اردو ادب وچ
میراجی دی شاعری تے ممتاز مفتی دے افسانے ایں نظریے دی حمایت کریںدیں
۔ مارکسیت دے نیڑے، بقول ممتاز حسین، ”لاشوروں صرف جنسی تحریکیں تک محدود
کر ڈیوں دانظریہ تے اپنے احساس کوں اصل حقیقت کھھن دانظریہ خالص رجعت
پسندانہ اے۔ ایندے نال سرمایہ دارانہ نظام دیاں پاؤں مضبوط تھیں۔ اے
خارجی دنیا کوں ادب کنوں خارج کر ڈیوں دانظریہ اے۔ انسانی ذہن تے احساسات
کوں طبقاتی جنگ ڈیکھن ڈکھن رکیندے۔ اے نظریہ کہیں وی شئے دی خارجیت تے
آزاد وجود کوں نہیں منید۔ مظلوم طبقیں کیتے زہر ہلاہل دے سانوں
اے۔“ ایں سائگے فرائیدی اویب طبقاتی بھراں دکوں وی جبلت جنس دی پیدوار آکھ
تے ہوں ویٹھے سرکار یا ظالم طبقے دے نال تھی ویندیں۔ لہذا مارکسیت دے نیڑے
اوہ برائے ادب دے وانگوں ایہہ نظریہ دی بے حد خطرناک اے۔ ایندا مقابلہ کریں
ضروری اے۔

تحقیق ادب دیاں شرطائیں: مندرجہ بالا لکھتے نال ادب دے بارے میں مارکسیت دا نقطہ نظر پڑھرا کیتے۔ آؤ ہم اس اے ڈیہوں جو کیا مارکسیت ترقی پسند ادب دی تحقیق کیتے کجھ شرطائیں داعین کریںدی اے یا کوئی نہیں۔ تحقیقت نال ایہہ ہے مارکسیت ایندے کیتے کجھ شرطیں داعین ضرور کیتے، اتے اوایں سائلے جو ادب عوام کیتے زیادہ موثر تے مفید ثابت تھیوے۔ ایں سلسے وچ اویھتوں پہلے ایں گالھ تے زور ڈیندے جو محنت کشیں دی حیاتی کوں کوھوں کنوں ڈھاو نئے درستہ ایندے پا جھوں انہیں دے بارے حقیقت پسندانہ تے سچے ادب دی تحقیق نامکن ہوسی۔ ماڈزے نگ اپنی لکھت "فن و ادب دے مسئلے" وچ اہدے "محنت کش طبے دے مسئلیں داشعور حاصل کیتھیں بغیر، ایں طبے دی حیاتی کوں نیڑے توں ڈھیں پا جھ تے ایں طبے نال قربی تعلق بنا کیں بغیر تساں لوک انہیں افراد تے طبے دی طبقاتی نوعیت کوں نو ہے چانٹ سکدے۔" جے نام نہاد و انشور حضرات مزدوریں، سپاہیں تے کسانیں دی طرز زندگی دا کوڑا چولا پا گھنن تاں اوندی اصل حقیقت شم بو رضازی ہی رہسی۔"

ایں سلسے وچ ڈی جھی شرط عوامی زبان دا استعمال اے جے کئی ادیب اپنی تحقیقات کیتے وڈی فاضلانہ تے مصنوعی زبان استعمال کرے جیہنے نال ان ڈیھ تے گھٹ تعلیم یافتہ محنت کشیں کیتے ابلاغ نامکن ہو دے تاں مطلوبہ مقصد نہیں گھد اوئی سکدی۔ ایں سلسے وچ ماڈزے نگ اہدے "جے اس اس عوامی زبان کنوں پاندھڑرا گھنوں تاں فن تے ادب دی تحقیق بے معنی تھی ویسی۔" تساں جتنی وی بناوٹ اختیار کر گھنو۔ تساں جتنا اپنے طرز تحریر توں اپنی علمیت بگھارو۔ ہوں شدت نال عوام تو آڈے

جدبات تے خیالات کوں لت مار ڈی۔“ ایں اقتباس دے سو جھلے وچ اے گالھ پدھری تھی اے جو غیر عوامی زبان دے استعمال دے نال نہ صرف انقلاب دے حق وچ کئی مفید نتیجے نہیں نکلد بلکہ ایندرا اثر وی پٹھا تھیں۔

ترقی پسند ادب دی تخلیق کیتے ترجمجی شرط فن تے مقصد دا امترانج اے۔ جے کہیں تخلیق وچ مقصدیت موجود ہووے پر اوندی فنی اہمیت کویناں ہووے تاں مارکسیت دے نیڑے امتحنا ادب بے کارتے غیر موثر ہوندے۔ ایندے برخلاف جے کئی فن پارہ فنی حیثیت نال شہکار ہی کیوں نہ ہووے لیکن ایندے وچ انقلاب دشمنی پاتی و نئے تاں اوسی مارکسیت دے مطابق بالکل اللوائے۔ ایں حوالے نال ماڈزے نگ واسخ انداز وچ مارکسیت دا نقطہ نظر بیان کریں ہوئیں لکھدے۔

”سیاسی طور تے کئی ادب کتنا ہی ترقی پسند کیوں نہ ہوے فنی حسن دے ہاجھوں سمجھ کجھ بے معنی تے غیر موثر اے۔ اس اس صرف امتحنے فن کوں ہی روئیں کریں کریں دے وچ انقلاب دشمنی دی روح ہووے بلکہ امتحنیں تخلیقات کوں وی قابلِ نہمت سمجھدوں جیہید اشائکل اشتہاری تے نعرے باز طرز دا ہووے“۔ ایں اقتباس دے سو جھلے وچ او تمام تخلیقات غیر معیاری سیڈیں دین جیہید دے وچ انقلاب دی گھن گرج تاں پاتی و نئے پر فنی حسن دا ناٹا نشان وی نہ ہووے۔ ایں وجہ پاروں تمام وڈے وڈے ترقی پسند ادیب تے شاعر مثلاً گورکی، پٹوفی، پبلو نرودا، بریجنت، فاکس، لوہسون، ناظم حکمت، محمدوم محی الدین، فیض احمد فیض، سردار جعفری، کرشن چندر، ساحر لدھیانوی، امرتا پریتم، شولوخوف، اتنے تھیں وچ متاز حسین دیں تخلیقات وچ فن تے مقصد دا

سوہنٹا امتزاج پاتا ویندے۔

اٹھیں سطریں کنوں اے گالھ پوری طرحان کھل گئی اے جو مارکسیت دے نیڑے اوں اوب دی اہمیت اے جیرھا واضح طور تے ترقی پسند طاقتیں دانما سندھ ہووے اتے اوندے ذریعے، پورے جوش تے جذبے نال، کروڑیں محنت کشیں کوں انقلاب کیتے تیار کر لیں چاہندا ہووے۔

II

ہن سا کوں مارکیست دی روشنی وچ اردو ادب تے ہک سرسری نظر سٹپی چاہیدی اے۔ پر اٹھا اردو ادب: بجے تیس قدمیں اردو ادب داعلیق اے۔ ایندی پروش ترندے ہوئے جا گیردارانہ نظام وچ تھی اے۔ تھوں ایندے تمام تراثرات اردو ادب وچ ملدن۔ جے انفرادی طور تے ڈھنا و نیچے تاں پرانی نشر وچ میرامن دی "باغ و بہار" جا گیردارانہ دور دی مردی ہوئی تہذیب دی عکاسی کریندی اے۔ جیندے وچ منطقی طور تے مایوی دے اثرات غالب ہن۔ بالکل ایہا حالت میر تقی میر دی شاعری دی اے۔ او اپنے دور دے کرب دی نمائندگی کریندیں ہوئیں مایوی تے نامیدیں دا شکار ہئی۔ ایں دور وچ البتہ نظیر اکبر آبادی ہک اشجھا شاعر ضرور ملدنے جیکوں عوامی شاعر آکھیا ونج سکدے۔ کیونجو اوں اپنی شاعری دے موضوعات نہ ضرف عوام دی زندگی کنوں گھدن بلکہ زیادہ تر زبان وی انھیں دی استعمال کیتی اے۔

غالب وڈی حد تیس ہک حقیقت پسند شاعر ہا۔ اوندی شاعری انسانی زندگی دے جذبات دی عکاسی تے جا گیردارانہ سماج دی مردی ہوئی تہذیب تے طنزے۔ پر او دی طبقائی سکھکش و اندازہ نہ کر سکیا۔ حالی، اکبر تے اقبال دے کلام کوں جے زندگی

آموز آکھیاون خیلے لیکن اے تریئے مذهب پرستی داشکار نظر آندن۔ نویں تہذیب دے خلاف واویلا مچیندن تے لوکیں کوں ارتقا کنوں روکن کیتے پرانے دوریہ و پچھوتے گھن و بندن۔ لیکن بری طرح ان کام وی تھیں اسے ایں طرانویں رجعت پسندی دے کھڈے وچ وچ ڈھہنداں۔

ایں دور وچ جے نشودی پٹ پھلو رکھتی ونجے تاں اوند اوی حال پتلا اے۔ "فسانہ آزاد" جا گیر دارنه تہذیب دامر شیہ وی ہے تے مذاق وی۔ سجاد حیدر یلدرم دے افسانے قسطی طور تے رومانی تے رجعت پسندانہ ہن۔ ڈپن نزید احمد دے ناول جا گیر دارنه اخلاق کوں جواوٹ دی بھج درک تے سرمایہ دارنه تہذیب کوں روکن دے اہر تے بین، ہن۔ جیر ہے اُکی رجعت پسندی دی صفح وچ اندن۔ ایں دور دے آخر وچ پریم چند ہک انجھا افسانہ نگار تے ناول نویں ملدے جیر ھا عوام کیتے اپنے فن کوں وقف رکھدے۔ او انجیں دی حیاتی دی عکاسی کریندے تے انجیں دی حالت کوں بہتر بناوٹ تے زوریہ ییدے توڑے جو اونقلاب دی بجائے اصلاح پسندی داشکار ضرور ہے ول وی جمبوی طور تے اوند یاں تخلیقات غنیمت ہن۔

ترقی پسند ادب: اتحاد پریم چند تے اردو ادب دا ہک دور ختم تھیں دے تے ول انجیں ہک نواں دور شروع تھیں دے جیکوں ترقی پسند ادب دا سنبھری دور آکھیاون خیلے لیکن۔ ایں دور دا آغاز 1936ء کنوں تھیں دے جڈاں چوں نوجوان ترقی پسند اویں تے شاعریں انجمن ترقی پسند مصطفیں دامنڈھ ہبھاتے ایندا منشور تیار کیجا۔ انجیں لوکیں وچ پریم چند تے حسرت موبانی شامل ہن۔ ایں انجمن دے سرگرم رکن تے سیکرٹری سید سجاد حیدر ہن۔

انجمن ترقی پسند مصنفوں جبڑاں اپنائ کم شروع کیجا تاں اونڈی سوچ مکمل طور تے مارکی
ہجی۔ ادا ب دے ذریعے مزدوریں تے کسانیں کوں تیار کرن چاہندی ہجی۔ ایں
سائگے اوں مکمل طور تے انتقلابی تے رجایت پسند ادب پیدا کیجا۔ ایں انجمن سردار
جعفری، فیض احمد فیض، احمد ندیم قاسی، مخدوم محی الدین، اسرار الحق مجاز، یعنی عظمی،
ظہیر کاشمیری، ساحر لدھیانوی، فارغ بخاری، سلام مجھلی شہری، آغا اعجاز اکرم جہیں
تے کئی ڈو تھے شاعر پیدا کیتے۔ جہیں اپنے لا فانی شہ پاریں نال علمی شہرت حاصل
کیتی اتے تحریک کوں وی اگوتے ودھایا۔ ترقی پسند نشر لکھن آلیں وچ سید سجاد ظہیر،
کرشن چندر، راجندر سنگھ بیدی، احمد علی، اختشام حسین، ممتاز حسین، احمد ندیم قاسی اتے
کئی ڈو جھے سامنے آئے۔ جہیں اپنے انسانیں تے تقید دے ذریعے اردو ادب کوں
مالا مال کیجا تے محنت کشیں دی حیاتی دی عکاسی دے نال نال انھیں دے سیاہی شعور
کوں وی تیز کیجا۔ ایں دور دے وچ ترقی پسند شاعری تے انسانیں دے کئی مجموعے
وی شائع تھے۔ جیندے وچ سرکار نے کتاب لڑی "انگارے" کوں ضبط کر گھدا۔
تحریک دی نور کوں نکھا کرن کیتے بہوں سارے رسالے میدان وچ آئے جیندے
وچ "نیا ادب" تے "ادب لطیف" شامل ہن۔ انھیں اپنے ٹھیکن کوں کامیابی نال نجھایا
بلکہ گھر تیک پہچایا۔ بعد وچ ایں تحریک وچ "سوریا"، "روح ادب" تے "نقوش" وی
رل گئے۔

بہر حال ترقی پسند ادب دا ایہہ بک زور دار دور ہا۔ جیرھا تقسیم ہند تیک کامیابی نال
چل دارہ گیا۔ اتے جیندی کہانی سید سجاد ظہیر مرحوم اپنی لکھت "روشنائی" وچ ڈاڑھے
سو ہنچے انداز نال پیش کیتی اے۔ پر تقسیم دے بعد کئی ادیتیں کوں اپنائ گھر بار چھوڑ گئے

گیا۔ نقل مکانی پاروں حالات دی تبدیلی، تقسیم وچ لکھاں بندیں دے قتل، سہنس خاند انیں دی بر بادی، تہذیب و ثقافت دی تباہی، کجھ چہاڑیں بعد پاکستان وچ انجمن تے پابندی تے اگوان ادیسیں تے شاعریں دی گرفتاری تے اوندے بعد پہنچی بورڑوا موقع پرستی تحریک کوں کلاڑتا۔ پرول دی کئی نویں لکھن والے پیدا تھے جیسیں افوج دی ترقی پسند ادب دے ڈیوے کوں زور دار اندھاری وچ وی پال رکھیے۔ انھیں لوکیں وچ حبیب جالب داناں خصوصی طور تے قابل ذکر اے۔

بھارت وچ البتہ ایہہ تحریک پاکستان توں زیادہ بہتر ہی اے کیونجو پاکستان دی نسبت بھارت وچ عوام کوں سیاسی آزادی زیادہ میسر ہی۔ چونکہ کافی چہاڑیں کوں پاکستان دے اوندے (بھارت) نال تعلقات خراب ہن۔ ایں سائکے اٹھاں دے ادب دا لیکھا کر ٹھنڈا پے کیتے اوکھا اے۔ البتہ پچھلے چہاڑیں اے تعلقات ول بحال تھیں امیداے ایں سلسلے وچ کجھ آکھن ممکن تھی گکی۔

فرائیڈی ادب: ترقی پسند ادب دے ایں دور وچ کلائیکل ادب تقریباً اپنی موت آپ مر گیا ہا۔ پر ادب برائے ادب داناں چاون ٹھنڈیں فرائیڈی نظریہ جنس دا سہارا گھن تے ایکوں اگو تے دھالیا اتے ایں موضوع تے افسانیں تے نظماء لکھیاں۔ انھیں ادیسیں وچ منشو، عصمت چفتائی، حسن عسکری (افسانہ "چاہ دی پیالی")، ممتاز مفتی تے میرا جی دے ناں گھدے وچ سپکدن۔ جیوں جو ایں مقاولے دے پہلے حصے وچ ڈسایا ونچ پکے ایہہ ادب قطعی طور تے رجعت پسندانہ ہوندے ایں سائکے ایندا ترقی پسندیت نال کئی تعلق کوئے نی۔

جدید شاعری: تقسیم دے بعد ترقی پسند ادب دی تخلیق اچ جیری کی تھی ہی اوندے

نتیجے وچ پاک و بھارت وچ شاعری دی ہک نویں قسم رواج پاتا جینکوں جدید شاعری آکھیا ویندے۔ ایہہ شاعری کلاسیکل شاعری دے مقابلے وچ یقیناً نویں اے۔ ایں سانگے ایندے سو جھلے کنوں ہپوں ساریں لوکیں دیاں اکھیں چھپتے ہیں گیاں۔ او ایندے اتنے بروقت تنقید کنوں قاصر ہن۔ ایندا نتیجہ اے غھٹا جو کئی نور نکھن آلیں دی جوان نسل دا چنگا بھلا حصہ ایں کنوں متاثر تھی گیا۔ حالانکہ ایں شاعری دبا قاعدہ کی موضع تے مقصد کوئیناں ہا۔ کلاسیکل شاعری دی بدلتی ہوئی ہک شکل ہئی۔ اتنے ایں قاری دے ذہن وچ تحرید تے زندگی کنوں فرار دار گنگ بھریںدیں ہوئیں اوندے طبقاتی شعور کوں مناڑتا۔ ایندے نال نہ صرف محنت کشیں دی کاکز کوں نقصان پچا بلکہ ترقی پسند ادب دے اثرات وی مٹن لگے ایں سانگے ترقی پسند اپیں تے شاعریں دا فرض اے جو اوفرائیڈی اوب دی طرح ایکوں دی رد کرن۔ کچھ عرصے کنوں ایں شاعری دی پی جدید شکل سامنے آئی اے۔ جیہدے وچ قاری کیتے ابلاغ کوں ضروری نہیں سمجھا ویندے۔ ایہہ بیمار ذہن دی پیداوار اے۔ ایں سانگے ایندے اتنے وی تنقید ضروری اے اتنے ترقی پسندیں کوں ایں کنوں نہ صرف پرے رہنا چاہیدا۔ بلکہ ایں بیماری دا گھیر انگ کرنا چاہیدا۔

III

ڈریہ غازیخان تے اردو ادب: تمام اردو ادب دی پٹ چلور دے نال میں چاہنداء جو ڈریہ غازیخان دے ادب تے خصوصی طور تے نظر شی ونجے۔ تو نے جو ڈریہ غازیخان دی پاکستان دا حصہ اے تے اتحاں دے اردو ادب دا مطالعہ دی عام اردو ادب دے مطالعے دے پیٹھ آندے لیکن اتحاں ایندا خصوصی طور تے ذکر کیجاویسی جو

سارے لکھن ایں چوکہ اتھوں دے ادیسیں تے شاعریں دے نال مل تے کم کرنے ایں
سائگے چنگا ایہوا نہیں دی رہنمائی کیتے اتحاں دے ادب داعلاحدہ مطالعہ کیتا وئے۔
جتحاں تینیں ڈیرہ غازیخان وچ اروشور داعلے اے او تقریباً ہووٹ دے برابر اے
تے جو کچھ ہے اوندا ترقی پسند ادب نال کئی تعلق نہیں ہندا۔ البتہ جے تینیں شاعری دا
معاملہ اے او کلاسیکل، ترقی پسند تے جدید شاعری دے حصیں وچ وڈتھ سپکدی
اے۔ کلاسیکل انداز وچ لکھن والے صرف چوں شاعر ہن جیرے تقریباً ہے تھی
گھنیں۔ انھیں دی شاعری حسن و عشق، گل و بلبل تک محدود کھڑی اے۔ اتنے ایندے
اتے بالکل اوہا تقدید صادق آئندی اے جیزی چھپلے ور قیں وچ کلاسیکل شاعری تے
کیتی وچ چکی اے۔ اتحاں اتنی وضاحت ضروری اے جو نویں لکھن والیں وچ ہبھوں
توھڑیں اینکوں اپنائے۔

ترقی پسند شاعری: جے تینیں ترقی پسند شاعری داعلے آغا اعجاز اکرم مرحوم داناں سر
فہرست اے۔ انھیں اتحاں ایں شاعری دامنڈھ ہدھاتے اینکوں اپنے شاگردیں تے
سنتکیں وچ رواج ڈیون دی کوشش کیتی۔ پروفوسوں اے آغا صاحب دے مرث دے
نال انھیں دے شاگردیں لکھن چھوڑ ڈیتا۔ حالانکہ انھیں وچ کامریڈ رئیس عدم چنگے
شاعر تھی سپکدے ہن۔ البتہ انھیں افسانہ نویسی دا آغاز کیتے۔ امید اے ڈیرہ غازیخان
دے نشری خلاکوں پر کر سکس۔

البتہ نوجوان شاعریں وچ اقبال شاہید، انجمن صہبائی، کاؤش عباسی، ارشاد تو نسوی اتنے
رقم الحروف اینکوں اپنائی کھڑان۔ پروفوسوں اینکوں کہیں ہمہ گیر تحریک دار گنج اچاں
تک نہیں مل سکیا۔ ول وی اے کوششاں غیمت ہن۔ امید اے کہیں نہ کہیں چھاڑے

انھیں کوچل لکھی۔

جدید شاعری: جے تیس اتحاں دی جدید شاعری دا معاملہ اے اینکوں بک نواں نوالا سینے نال لئی ٹیکھے۔ لیکن اصل وچ ایس گروپ دا وجود صرف ایندے اگوان کیف انصاری دے دم دامر ہون منت اے۔ ایہہ سارے حضرات ڈاکٹر وزیر آغا دے گروپ نال ہنڈھیے ہوئے ہن۔ اتنے انھیں دے نظر یادب تے یقین رکھدن۔ پر ایس گروپ ہمیشائ کہیں نہ کہیں سطح تے مارکسی شاعریں دے نال تعادن دا ثبوت ہوتے۔ اتنے اے شے دی زیادہ تر ایس گروپ دے اگوان ڈی وجہ کنوں اے۔

سرائیکی ادب: میڈی خواہش اے میں اتحاں مختصر اسرائیکی ادب داوی جائزہ گھناں تو نے تو آئے کیتے ایہہ بک بے تکنی ہاگال ہوئی لیکن میڈیے خیال وچ ڈیرہ غازیخان وچ اردو شاعری دی نسبت ایہہ شاعری زیادہ موڑ حیثیت رکھدی اے۔ کیونجو سرا یکی نہ صرف اتحوں دی عوام دی زبان اے بلکہ اتحوں دے شاعریں تے اونیں دی مادری زبان دی ایہا ہے۔ اتنے ایندے ذریعے اوقاری کوں وڈے چنگے طریقے نال متاثر کر سکدیں۔ ات واسطے پہنچ پارٹی دی تحریک دے دوران بک قسم دے پیشہ در شاعریں چنگا بھلا کم کیتے۔

شاعری: جے تیس سرا یکی ادب دا تعلق اے او صرف شاعری تے مبنی اے اتنے اج تک سرا یکی وچ جیری شاعری تھی ہے اول کلاسیکی قسم کی شاعری اے جیہندے وچ ڈوھڑیں تے کافیں دے ذریعے حسن و عشق دا پٹھا پیٹھا گئے البتہ بعض صوفی شعراء تصوف کوں دی موضوع بٹائے۔ جیہندے وچ کہیں حد تک انسان دوستی دی مثال ملدی اے۔ ایں سلسے وچ خواجہ فرید دا نال خصوصی طور تے گھد اوچ سکدے۔ جے

تک ترقی پسند شاعری دلائق اے اچاں تیئن مارکسی انداز کوں نجیں اپنا یا گیا۔ البتہ پیپلز پارٹی دی تحریک دے دوران ہوں سارے شاعریں جذباتی انداز وچ غربیں دے ڈکھریں دا پہنچا پیاتے اپنی حالت بدلت دی تلقین کیتی چونکہ انھیں دی سوچ منظم طبقاتی شعور کنوں عاری ہی ایں سا لگے اوتمام برائیاں داعلانج نہ ہب وچ گولیندے ہن۔ ایندے نتیجے وچ اوپیٹی بورڑا موقع پرستی داشکار تھی تے پیپلز پارٹی دی حکومت دے دوران یا تاں اوندے نال تھی گھے یا کہیں ریکے پاروں گوشہ گناہی وچ دفعتے ڈو جھے شعرا دے والگوں حسن و عشق دا ڈکھڑا روٹ ہلے گے۔ ایں سا لگے انھیں شاعریں دے انھیں ہنگامی جذباتی ابھار کوں باقاعدہ طور تے ترقی پسند ادب دی تخلیقی کوشش نجیں آکھیا وچ سکدے۔ البتہ غلام حسین زائر دی شاعری وچ کہیں حد تک طبقاتی شعور دا احساس ملدے۔ جے تک جدید شاعری دلائق اے سرائیکی وچ اچاں تک ایندا رواج نجیں پیا۔ البتہ کیف انصاری نے اچکل ایں سلسلے وچ کچھ نظماء لکھیں۔

آخر وچ میں اتنا عرض کر دیوں تو نے جو اتحاد سرائیکی شاعری دا ذکر ڈیرہ غازیخان تک محدود ہے لیکن حقیقت وچ تمام سرائیکی شاعری کیتے دی تھی سکدے ہا کیوں نجو پورے سرائیکی وسیب وچ شاعری دی بالکل ڈیرہ غازیخان جنمیں صورتحال اے۔

چند مشورے: میں مقاولے دے پاند تے ترقی پسند تحریک نال وابستہ ادیمیں شاعریں تے کارکنسیں کنوں درخواست کریاں جو انھیں کوں کوشش کرنی چاہیدی اے جو اوزیا وہ توں زیادہ نویں لکھن آلیں کوں محنت کشیں دی ایں سیاسی تے ادبی تحریک وچ گھن آؤں۔ ایندے کیتے ضروری اے بھتوں پہلے نوجوانیں کوں ایڈیے آندے نجے۔ کیونجو پرانے لکھن آئے اپنا ہمچ بنا چکن اتے کہیں طرحان اوایکوں تباہ نجیں کرنا

چاہندے۔ ایں سانگے انھیں تے کوشش کرئے بے کار ہوئی۔
ڈوجھی شے اے ہے جونویں لکھن آلیں کوں مارکسیت نال ضرور واقف کیتا ونجے ورنہ
حالات دے بارے انہماں دے تجزیے غلط ہوں۔ حبیدے نال قاریں وج گمراہی
پیدا ہیں۔ بعض اوقات تاں اے وی ڈٹھا گئے جو ایسچھے لوک، صحیح طبقاتی شعور ہووں
دی وجہ نال، خود مزدوریں دے تحریکیں دی مختلف شروع کر پیندے۔

ترجھی شے اے ہے جو انھیں کوں ترقی پسند ادب دی روایت دامطالعہ دی کروایا ونجے
تاں جو او ایندے انداز کوں سمجھ سکن اتے او ایندے مطابق تخلیقات پیش کر
سکن۔ خاص طور تے مارکسی نظریے تے ادب دامطالعہ سرائیکی شعرا کیتے زیادہ
ضروری اے۔ کیونجو اعام طور تے دیہات دے رہن آلے ہوندن تے مارکسیت
بارے صحیح مطالعہ گھٹ رکھدے۔

آخر وچ میں اے آکھن ضروری سمجھداں نویں لکھن آلیں تے زور دتا ونجے جو امتحنت
کشیں دی حیاتی نال براہ راست تعلق پیدا کرن اتے انھیں دی طبقاتی جدوجہد وچ
 شامل تھبیدے ہوئیں انھماں کوں مارکسی جدلیاتی فلسفے نال لیں کر۔ پر ایندے نال
ایں گاہر دادھیاں رکھن لازمی اے جو انھیں دیاں تخلیقات فنی معیارتے پوریاں ہوں۔
کتھیں ایزویں نہ تھیوے، بقول ما وزے نگ، انھیں داشائل اشتہاری تے نمرے
بازی داتھی ونجے حبیدے نال تحریک دے مقاصد کوں بجائے فیدے دے نقصان
چھکے۔

مصنف دیاں کتاباں

- ۱۔ حلاوڑے
- ۲۔ تارے
- ۳۔ لیکے
- ۴۔ سرائیکی قاعدہ
- ۵۔ سرائیکی رسم الخط کی مختصر تاریخ
- ۶۔ سرائیکی زبان، اوندار سم الخط تے اوڑاں
کے لسانی مقاماتن
- ۷۔ سرائیکی دیاں پہکارا اوڑاں
- ۸۔ سرائیکی زبان اتے لسانیات
- ۹۔ جملہ مرست
- ۱۰۔ بیدل سندھی
- ۱۱۔ حل نخاری
- ۱۲۔ سرائیکی قوی سوال
- ۱۳۔ سرائیکی ادب و حق صحی و اپنہ (آون والی کتاب)
- ۱۴۔ سرائیکی لوک موسیقی (آون والی کتاب)
- ۱۵۔ اشوالی و اشعری و فون (آون والی کتاب)
- ۱۶۔ سرائیکی کلشن تے ایجڑی شعریات (آون والی کتاب)
- ۱۷۔ دیس میں تے اپلو: کچھ تاریخی ڈرائے (آون والی کتاب)
- ۱۸۔ دیس میں تے اپلو: کچھ تاریخی ڈرائے (آون والی کتاب)